



Inâkonigewin 2005 Kâwin Sagaswâniwanzinôn Ontario-ng Inâkonigewin Ke-dôdâgemagak: Endâkâng Enokîtâgedjig

Netamisingin

- Inâkonigewin Kâ'n Sagaswâniwanzinôn Ontario-ng kada-mashkawazîchigâde 31, Wâbigon Kîzis 2006.
- Inâkonigewin inazinâde kibahigâdeg sagaswewin ondemitâwigamigokâg ashidj ked-iji-mânenâniwang Ontario-ng. Mî iye kidji-wîdokawenimindwâ ega segaswâdjig chega opanâdamowâdj kodag âwiyeg obatem.

Endâkâng Enokîtâgedjig

Endâkâng enokîtâgedj mî iya pebâ-ayijâdj awi-wîdôkawâdj ikiwenzîyan endânidj (n.i. mashkikî wîdokawâdj inakâg, kabâshimôyiwe, pîndig-inanokîwinan), nâgânîkandang mino-bimâdiziwin konima kaye wedatinang shônîyâ Ministry of Health and Long-Term Care wendjibideg, konima kaye Local Health Integration Network kîjâdj wawejichigeg ked-inanokîniwang.

Ke-gipiwigowâdj Endâkâng Enokîtâgedjig

- Endâkâng enokîtâgedj wîn odayân kidji-gagwedjimâdj inen enokîtawâdj in kidji-ega sagaswenidj ked-apîchi-wîdôkawâdj.
- Kîshpin tash ânwetâgodj eji-gagwedjimâdj, iya enokîtâgedj tâ-gashkito kidji-mâdjâdj 'indaje ashidj kidji-ega kokî pîd-anokîtâgedj – kîshpin kagâdj pîd-ijâdj awegwendog igodj kada-nanîzânîdizo obimâdjiwowin ondje.

Endâkâng Enokîtâgedj Odibisitwâwinan Kâ-nôn-de-mâdjâdj Ozâm Âwiyeg Sagaswedj

Âbitâ tibahigan, konima apîch igodj kashkitôdj kî-nagandang wîgiwâm, enokîtâgedj mâmakâdj ke-wîndamawâdj mayâwosenindjin:

- Kidji-dibâdjimodj kî-nagandang; ashidj
- Kidji-dibâdjimodj kâ-ayindidj ashidj awegonen wîdôkâzowin ke-nandawenindang 24 taso tibahigan nîgân inâbinâniwang, ashidj onon kaye kidji-dibâdjimonâniwang:
Âwiyeg kidji-danizigwen ked-apenimonânindj kidji-wîdôkawâdj inen ikiwenzîyan,
Kîshpin wîdôkâzowin kidji-nandawenindamigwen 24 taso tibahigan nîgân,
Ânîn ejiwebizipan ikiwenzî apîch kâ-naganâdj enokîtâgedj, ashidj

Kego na kodagan tagwanôbanen keshâwâdj ayindiwinan mayamikâzinâgok kîshpin tagwang, awegonen tash inen.

Mâmakâdj kaye, endâkâng enokîtâgedj ke-nôsinehiyang eji-andawenindâgozidj mayâwosedj mâgiwedj keshâwâdj inanokîwin ondje iya wâdôkawindj.

Mayâwosedj Eji-bagosnimindj

Mayawosedjig ondje ogo endâkâng enokîtâgedjig inâwag kidji-wî-gikenindamiwâdj odinâkonigewininan ashidj odijichigewininan kâ-ondji-nagadang iye wîgiwâm ozâm kî-ânwetâgodj âwiyen kî-gagândj-zagaswenindj megwâdj tanizidj.

Mashkawizîchigâdeg

Wâkâhî Mino-bimâdiziwin kejjigâbandangik odayânâwâ kidji-nôsinehigâdeg inâkonigewin.

Awaso tibâdjimozinahigan tidâtibî-nandwânikewin eta kada-inâbadad. Kîspin kîyâbadj wî-nanda-gikenindjigen, enâbigis kanôj mino-bimâdiziwin kejjigâbandangik.

Konima kaye ‘ondaje madwesidjiganing kidâ-ondinân wî-nanda-gikenindaman kego:

- **INFOLINE** 1-866-396-1760
- **TTY** 1-800-387-5559

Taso-dibahiganeg ke-jesing: Metisonî-gîjjigak ako Chîbayâtigo-gîjjigak, 8:30 kigijeb ako 5:00 onâgoshig.

Kîshpin kîyâbadj wî-nanda-gikenindaman Inâkonigewin Kâwin Sagaswâniwanzinôn Ontario-ng, enâbigis andonan Ontario of Health Promotion mizimizide-nanda-gikenindjigewining:

www.mhp.gov.on.ca/english/health/smoke_free/legislation.asp.

Wâbigon Kîzis 2006